



Message for World Theatre Day 2019

27 March 2019

Sami translation

MÁILMMI TEÁHTERBEAIVVI JULGGAŠTUS

Njukčamánu 27. beaivve 2019

Carlos Celdrán, Kuuba

Suomagillii: Tarja Roinila

Sámegillii: Neeta Jääskö

Ovdal go mun ieš morránin teáhtera málbmái, mu meaštárat ledje jo doppe. Sii ledje huksen iežaset dálu dego maid iežaset poetihka iežaset eallima rašes vuodu ala. Máŋgasa ilá šat oba dovdet dahje muiet; sii barge jaskatvuodas, vuollegis hárjehallansáliin ja dálu dievva geahčiid ovddas, ovdal go máŋgga lagi barggu ja fámolaš olahusaid maŋŋá sirdásedje gulul lávdeguoraide ja jávke. Go mun áddejin, ahte mu eallima bargu ja vuorbi livčii guorrat sin luottaid, áddejin maiddái, makkár guoskkaheaddji ja áidnalunddot árbevieru ledjen sis fidnen: eallima addo dál, dá, ná, iige eará vuordámuš go hállu juksat ovttá áidna čađačuovgi bottaža, goas olmmoš gávnnada nuppiin teáhtersále seavdnjadadas almma eará dorvvu go lihkastaga ja deaivilis sáni muitalan duohtavuohta.

Do lea mu ruovttueanan, dain gávnnademiin, maidda álbmot juohke eahkeda joavdá gávpoga iešguđet guovlluin juohkit minguin muhtin diimmu dahje minuhta. Mun huksen iežan eallima duoin áidnalunddot bottažiin, main mun in leat šat mun inge šat gillá iežan dihte, main mun riegádan odđasit ja ádden, maid mearkkaša dahkat teáhtera: dan, ahte oažžu eallit buhtes, jávki duohtavuođa bottaid, goas diehtá, ahte buot maid mii lávddi alde lohkai ja bargat lea duohta ja speadjalastá min čiekjalamos ja persovnalamos hámi. Riika gos mun ja neavttárat leat ruovttus lea ráhkaduvvon duoin bottuin, go mii bálkestit hámaid ja retorihka eret eatge bala teamis dan man mii leat, baicca dohpet nubbi nuppi giedas seavdnjadasa siste.

Teáhtera árbevierru lea horisontálalaš. Ii giige sáhte lohkai, ahte teáhter ásašii gosnu málmmi guovddážis, dihto gávpogis dahje fiinna viesus. Dat teáhter man mun lean njamman alccesan leavvá oaidnemeahttun kártii ja čohkke buot teáhtera dahkkiid eallimiid ja duodjedáiddu ovttá áidna lihkastahkii. Buot teáhtera meaštárat jápmet ja sii dolvot fárusteaset iežaset áidnalunddot fihttema ja čábbodaga bottaid, sii buohkai jávket seammá láhkai, fidnekeahttá dađe stuorát

jápmemeahttunvuoda, dán málmmi rasstildeaddji suodjalusa dahje gudni. Teáhtera meaštárat dihtet dan, iige miige dovddastusaid leat dan sihkkarvuoda veardásaš, mii lea min barggu čiekŋalamos gáldu: dat ahte mii duddjot stuorra eahpesihkkarvuoda gasku duoh tavuoða, mearkkašumi suoivvanasa, fámu ja friddjavuoða bottuid. Meaštáriin ii báze eará go diehtu, dahkkon buvttadusaid vurkemot, videot ja čuovgagovat, main oaidná dušše suoivvanasa das maid sii

duddjojedje. Ja álo duoin vurkemiin váilu geahčiid jávohis vástádus, sin njuolgga áddejupmi das, ahte dan mii dál dáhpáhuvvá ii sáhte dahkat eará láhkai iige gávdnat dán sále olggobalde: ahte dáppe juhkkojuvvon duohtavuohta lea vásáhus eallimis, moatte sekundda áigge šearradut go oba ieš eallinge.

Go mun áddejin, ahte teáhter lea jo alddis riika, olles máilmxi gokči stuorra riika, mu siste láttai mearrádus, mii seammás mearkkaša friddjavuodja. Mun lohken alccesan, ahte it galgga vuolgit doppe gos don leat, don it dárbbaš doamihit itge sirdásit gosage. Geahčit leat doppe gos don ealát iežat eallima. Doppe leat verddet ja ustibat geaid don dárbbašat báldásat. Juohke eallima beaivvi olles čađatmeahttun duohtavuohta lea dieppe, du iežat uvssa olggobalde. Duon gáddojuvvon lihkatmeahttunvuodjas don barggat iežat barggu, jođát ođđasit olles Odysseusa mátkki ja argonauhtaid fáro. Don leat lihkatmeahttun mátkkálaš, guhte fidnet duohta máilmxi deahtisvuodja ja nanusvuodja jođálmuvvat ain stuorát lektui.

Du mátkki mearri lea bodda, áidnalunddot gávnnađeadpmi iežat olbmuiguin. Don mátkkoštat sin lusa, sin váimmu ja subjektiivvalaš vásáhusa guvlui. Don mátkkoštat sin siste, sin dovdduin, muittuin, maid don vuot ealáskahtát. Dat lea vilda mátki, man giige ii nagot mihtidit iige jávohuhttit. Giige ii maid nagot addit dasa dievasmearálaš dovddastusa. Dat lea mátki du iežat čeardda govahallama čađa, dat lea siepman mii gilvojuvvo don doppimus riikii: du geahčiid oamedovdui riikkavuložin, olmmožin, ehtalaš doaibmin. Dán dihte mun in vuolgge gosage baicca bisun ruovttus, iežan lagažiid luhtte, mahkáš ovttá sajis, ja barggan ijaid beivviid, danin go mun lean oahppan johtilvuodja suollemasuodja.